

TENTAMEN PHYSIOLOGICO-MEDICUM,
 INAUGURALE,
 DE
 RESPIRATIONE.

QUOD,
 ANNUENTE SUMMO NUMINE,
 Ex Auctoritate Reverendi admodum Viri,
 D. GULIELMI ROBERTSON, S.S. T.P.
 ACADEMIÆ EDINBURGENÆ Praefecti;

NEC NON
 Amplissimi SENATUS ACADEMICI consensu,
 Et nobilissimae FACULTATIS MEDICÆ decreto;
 PRO GRADU DOCTORIS,
 SUMMISQUE IN MEDICINA HONORIBUS AC PRIVILEGIIS
 RITE ET LEGITIME CONSEQUENDIS;

Eruditorum examini subjicit

HENRICUS GALLAWAY,
 SCOTUS,

Societ. Phys. Edin. Nat. Studios.

Nec non,

Phyfic. American. Sodalis.

Audite, o mentibus aequis :

—— Neve haec nostris spectentur ab annis

Quae ferimus.

VIRGIL.

Ad diem 24. Junii, hora locoque solitis.

EDINBURGI:
 Apud BALFOUR et SMELLIE,
 Academiae Typographos.

M. DCC. LXXXVI.

222291



R O B E R T O H E N R Y,

S. S. T. P.

Viro

Animi candore, morum comitate,

Ornato,

Historiae scriptori

Judicio, fide, et ordinis virtute,

Æquiffimis jam probato,

Futuris magis magisque probando ;

Nec non,



Digitized by the Internet Archive
in 2020 with funding from
Wellcome Library

Nec non

ROBERTO GRAHAM, M. D.

Artem salutiferam Sterlini feliciter

Exercenti,

Medico perito, prudenti,

Viro

Ingenio, doctrina, virtutibus,

Praestanti ;

Hoc opusculum,

Grati animi, summaeque observantiae,

Testimonium,

Lubens offert

HENRICUS GALLAWAY.

M. McIntosh

With the good wishes
of the author

C O R R I G E N D A.

Lege pag. • 2. lin. 16. universorum.


5. *penult.* quae.

6. 7. et 18. introëunt.

7. 15. *pro inferiori lege superiori.*

21. 3. fultura.

27. 14. in ducendo.



TENTAMEN PHYSIOLOGICO-MEDICUM,

INAUGURALE,

DE

RESPIRATIONE.

HOMO, ut caetera animalia, non solum quod ad partium sui, quibus jam natus constet, auctum et diminutionem attinget, sed etiam modum, quo hae a primordio inter se connexae et aptae fuerint, olim et continue mutatur. Enimvero cordis actio, primigenus quidem animati index, necessario vim quandam vitalem excipit; quippe quum sine hac systole nulla effici potuisset. Haec simul duo ad foeturam

A

humanam

humanam omnino necessaria. Homo autem, speciei scilicet illustriori a natura destinatus, protinus majores accipit vires, easdemque exercet coelesti aliquo instinctu. Simul enim utero, primo quasi diverforiolo, exclusus, statim membris huic coeli spirabili lumini paratus existit. Nunc demum vero, thorace dilatato, aëris alternos admittit pulmo meatus. Quod inde ab illo tempore adeo necessarium, ut ex anima non ita diu interclusa homini moriendum sit. Hinc respiratio jure a Physiologis vitalis corporis actio existimatur.

Nunc vero de hac dicere volens, primum instrumenta, et uniuscujusque munera; deinde universarum officia; tum usus ipsius, paucis proponam.

Instrumenta omnia praeter unum ipsius sunt corporis; quaedam vero sua propria vi quodammodo agunt; quaedam potius patiuntur opemque externi desiderant. Cum autem forma horum, quam maxime ab illis pendeat, visum est, quae agant, prius indicare. Eorum quidem praecipua sunt

sunt thoracis ossa, intercostales, sternocostales, et muscoli diaphragmatis, et mediastinum.

Thoracis ossa conum quodammodo referunt, ad basin oblique abscissum, ante complanatum, depresso pone. Omnia quidem bifariam tendunt, recta sursum ante, transversa ad latera. Posterior columna cavum versus thoracis concava. Haec autem ex dorsi vertebrae constat, quae sunt adeo conjunctae, ut paulum oppido inter se queant moveri, solumque praebent satis firmum, super quo costae tuto vacillent. Hae quidem latera praestant thoracis. Numero fere duodecim utrinque, incurvatae, flexus subrotundi, concavae intus laevioresque. Posteriores ad extremitatem singulae formant angulum, ante quem omne planum, pone rotundum. Hujus extremitas, cartilagine obducta, capitulum; et juxta eandem in cunctis praeter ultima nonnihil extra eminentis tuberculum vocatur. Omnes praeterquam ultima dupliciter vertebrae commissae. Suis enim vertebrarum cavis capitula

4 DE RESPIRATIONE.

capitula insidunt, quorum cunctis praeter primum atque ultimum est centrum in cartilaginibus inter vertebrae; utque haec cava sunt medias pone vertebrae, sic etiam prominent aliquid in thoracem.

Deinde, costae tuberculum uniuscujusque cavo, cartilagine obducto, in anteriore transversae vertebrarum processu superficie recta subtus inseritur. Singulis commissuris suum est proprium in cavis ligamentum, paululumque motus fit sursum ac deorsum; nihil autem omnino ex latere, ob tubercula transversis processibus conjuncta. Infima quidem costa, aliter quippe sita, extra intraque moveri potest. Vertebrae infra primam omnes gradatim altiores deorsum versus fiunt: altitudo autem est distantia inter singulas contiguas costas, ideoque haec similiter augetur. Quoniam vero costarum tuberculum singularum committitur inferiori capitulo, idcirco hae ad spinam necessario sunt obliquae; utque obliquitas inferiorum est major quam superiorum, sic item distantia

distancia anteriores inter extremitates longior quam inter posteriores evadit.

Costae longitudine inter se differunt. A prima ad octavam gradatim longiores, inde autem contra breviores. Ad latam anteriorem extremitatem, singulae cartilagini ejusdem secum formae, aut diversi in plerisque cursus conjunguntur. Haec quidem commissura fere est eadem atque ossium cum suis epiphysibus, omnemque prohibet motum. Cartilagines autem, ut suae propriae costae, paulatim a prima ad octavam longiores, atque inde contra breviores existunt. Harum septem superiores sterni conjunguntur, suaeque propriae costae appellantur verae.

Sternum est longum os, seu congeries ossium, in parte thoracis anteriore, spinæ opposita, ejusdemque cursus. In juventute pluribus constat ossibus; in adultis vero plerumque sunt duo tantum, quorum inferius multo longius, adque extremum habet cartilaginem, qui xiphoides seu ensiformis nominatur. Haec quidem duo ossa adeo com-

6 DE RESPIRATIONE.

committuntur, ut paululum motus antrorsum et retrorsum praestari queat. Ex utroque sterni latere plerumque octo scrobiculos cartilagine obductos deprehendimus. Quorum primus excipit os superioris extremitatis, in reliquos capita septem superiorum cartilaginum introeunt. Quanquam vero haec capita sunt laevia, ut et cava excipientia, habentque etiam suis in cavis ligamentum; attamen motus valdè cohibetur a multis cartilaginosi filis, quae capita cavis conjungunt. Prima cartilago fervans cursum suae costae sternum superne deorsum ingreditur; secunda fere ad rectos angulos; reliquae autem ascendentes, angulusque super cum sterno formatus, magis magisque obtusus deorsum fit. Nullae autem omnino tam alte in sternum introeunt, quam sua posterior extremitas in spinam. Ex quinque reliquis tres singulae nempe singulis super agglutinantur; duae autem laxae, musculis tantum abdominis et diaphragmatis connexae.

Inter binas costas existunt duo musculorum ordines, se invicem in speciem Romanae literae X decussantes, utque sunt undecim spatia intercostalia, sic undecim paria musculorum utrinque. Horum externi ab ora infera atque externa uniuscujusque superioris costae oriuntur, atque oblique procurrunt a spina ad costarum cartilagine usque; inde autem ad sternum omnino desunt. Interni oriuntur intra priores ab ora infera uniuscujusque superioris costae; servant autem contrarium cursum, retrocedentes nempe oblique ad costae angulum; ex quo ad spinam usque desunt. Utrique quidem inferiori orae costae inferioris inferuntur. Olim inter Physiologos de horum actione multa fuerunt disputata. Nunc vero ex internis intercostalibus viventium detectis satis constat, utrosque ordines simul agere; et quoniam externi nascuntur usque a spina, cui scilicet principia affiguntur, atque interni exeunt a sternum, cui quoque adhaerent, dum superiores etiam costae sunt magis fixae atque immobiliores

8 DE RESPIRATIONE.

biliores inferioribus, liquet certe, illos simul
 agentes inferiores costas fursum attrahere.
 Ante autem diximus, costas esse portiones
 orbium, arcte ad utramque extremitatem
 commissas, atque ita fitas, ut sint altiores
 circa commissuras quam in alia ulla sui cur-
 fus parte. Hinc igitur patet, quamque
 vim, ad eas levandas adhibitam, primum
 necessario unamquamque partem ad idem
 planum cum suis extremitatibus adducere.
 Hoc autem modo, concava similium costa-
 rum ex adverso sibi invicem opponentur,
 thoracisque diametros admodum augebitur.
 Quoniam vero costae a libero motu super
 sterno cartilaginosis filis easdem committen-
 tibus cohibentur, idcirco hocce motus sem-
 per cum cartilaginum contortione sterno-
 que paululum protruso antrorsum efficitur.
 Verum hae cartilagines, quippe vi resiliendi
 praeditae, costas reddunt ad proprium fi-
 tum, simul atque attollens cessaverit. Qua
 quidem in re ex utroque latere adjuvantur
 a musculo, qui triangularis seu sternocosta-
 lis nominatur. Hicce autem musculus, o-
 riens

riens nempe a cartilaginis ensiformis latere, atque ora inferioris ossis sterni, procurrit sursum extraque, atque inferitur in tertiam, quartam, et quintam costas, ubi eae suis cartilaginibus committuntur. Sternum vero magis costis est fixum; ideoque constat, necesse esse ut hicce musculus costas deorsum trahat, atque ita thoracis amplitudinem coarctet.

Alterum praecipuum instrumentum est diaphragma, latus nempe tenuisque musculus, septum, quod transversum a superioribus visceribus intestina discernit. Hoc quidem carnosus cum fibris oritur ex tota thoracis ora. Investigatum ab ensiformi cartilagine deprehenditur excurrens ex cartilaginibus omnium costarum, quae audiunt falsae, ad ultimam usque, cujus medio annectitur, atque inde transiens ad spinam origines per aliquot carnosos tendinososque processus ex lumborum vertebrae recipit; inde iterum altero in latere similiter ascendit. Quibus ex omnibus hujus fibrae sursum currunt atque introrsum, desinentes

tandem in quodam sui medii plano tendi-
nofo. In fua naturali, id eft, laxata, con-
ditione diaphragma eft concavum adverfus
abdomen, convexum in thoracem; quod
quidem ad latera manifestius quam ad me-
dium; hic enim in thoracem affurgit quar-
ta tenus costa. Per id quoque oefophagus,
vena cava, atque aliquot e primariis nervis,
tranfeunt. Hujus duo latera convexa in-
ter contrahendum neceffario in primis de-
primentur a thorace ad planum, cum fuo
medio tendine, et, contractione manente,
hic ipse quoque detrahetur, ideoque thorax
quadantenus longior evadet. Hic quidem
nonnulli opinantur diaphragma, quod tho-
racem ita longitudine augeat, ejusdem fi-
mul cavum minuere, idque motum ciendo
alterum, quo duce ultimae costae introrsum
ferantur. Quoniam vero hae tum a mus-
culis intercostalibus in contrarium trahun-
tur, situs profecto earum paulum oppido
hinc vel illinc mutabitur.

Complures insuper sunt muscoli, qui in
respiratione multum conferant; imo vix
ullus

ullus omnino, seu oriens, five thoracis ossibus insertus, qui non subinde aliquid auxiliatur. Quoniam vero hi, praecipue scilicet aliter, et respirationi duntaxat difficili inservientes, tumque demum nihil praestantes novi, tantummodo ante dictis subveniunt; idcirco eos in praesentia omitto; nonnullos tamen paucis, quando ad communes suarum partium actiones ventum sit, memoraturus.

Ex thoracis denique partibus, quae continentes audiunt, figura nexibusque singulorum breviter indicatis, quandam ejus cavi intelligentiam concipere licebit. Hujus porro tota interior facies membrana tenui, pellucente, vasculis abundante, pleura nominata, obducitur. Utrique lateri est sua propria pleura seorsum ab altera, unde fiunt duo quasi sacculi, qui suis cum latusculis e regione sibi invicem adeo sunt siti, ut ex horum conjunctione in medio duplex septimentum inter sternum spinamque efficiatur. Hoc quidem vocatur mediastinum, quod deorsum pertinens haud ipsi medio
sterno

sterno adhaeret, sed propendit paulum a dextra ad laevam. Proxime sternum ambae pleurae, idem constituentes, penitus inter se contingunt; pone autem disjunguntur, quo iter oesophago magnisque vasis; ad extremum denique in saccum instar condispanduntur, quod ex corde comprehenso pericardium dicitur. Hujus autem pars maxima jacet in laeva thoracis, quam propter causam, nec non mediastini obliquitatem, sinistrae quam dextrae pleurae cavus est multo minor. Mediastinum anterius definit infra in diaphragmate, tendinosae cujus parti pericardium quoque penitus affigitur. Hinc, diaphragmate deorsum detracto, mediastinum fortiter perquam extenditur; at enimvero ex sua resiliendi vi, simul nempe contrahi desinit, illud sursum attollit, atque ita ad minuendum thoracis cavum opitulatur.

His cognitis, de iis instrumentis, quae patiuntur, pulmonibus scilicet, dicendum est. Hi autem sunt duo, singuli nempe in utrisque pleurae cavis, ad quos quidem simili modo

modo formaque respondent. Aliquot, dubitantes statuere, pulmones semper pleuraeque inter sese contingere, aëra interfusum commenti sunt. Istorum vero opinioni ipsa evidentia repugnat; quia, pleura detecta, pulmones huic intus conjuncti videntur; deinde, ex thorace vivi animalis sub aqua incisi, ne ulla quidem bullula excitatur. In omnibus haud ejusdem sunt coloris, quippe qui in infantibus subrubicundi, in adultis cinerei seu sublividi. Per superficiem complures lineolae seu sulculi transversa temere ac fortuito discurrunt, quorum intervalla ab auctoribus lobuli nominantur. Iis autem inest raritas quaedam et assimilis spongiis mollitudo, ideoque prementibus facile cedunt. Dexter, utpote sinistro major, majorem occupat cavum. Ambo in minores portiones diversas, lobos vocatos, dividuntur; dexter in tres, sinister in duos duntaxat. Superficies obducitur pleura, huc scilicet procedente ab imo mediaestino, ligamentumque, ut quidam loquuntur, pulmonum formante. Cui quidem liquor

liquor innatans facit, ut ii facillime super pleura costali motentur. Praeter hanc autem est quoque pulmonibus sua propria membrana, quae singulos lobulos, ut pia mater cerebrum, per omnia interstitia proxime circumit, atque cellulofam per materiam adhaeret modo dictae, quae, velut arachnoides cerebri, est tantum laxius velamentum. Jam vero his partim dimotis, ipsoque pulmone inciso, bene multa foramina, ora nimirum diversarum fistularum, ante oculos obversantur, ex quibus demum, cellulofam per materiam conjunctis, pulmones omnino constant. Deinde, fistulae illae, itineribus exploratis, deprehenduntur bifariam desinentes, sive in magno canali, aërem excipiente, seu in magnis vasis, sanguinem vehentibus, quae ad cordis cava excurrunt. De utrisque igitur seorsum prius dicendum est, quam actio aut usus respirationis ostendi possint. Commodissimum visum est, paucula de singulis repetere.

Oris narisque spiramina terminantur in cavo ad colli summum, pharynga dictum, e radice cujus duo canaliculae tendunt; posterior nempe in ventriculum, anterior ad pulmones. Hujus initium admirabili est fabrica, multiplici fane et pulcherrima. Larynx nominatur, et primum est vocis instrumentum. Quoniam vero et temporis angustiae et instituti ratio opusculi hanc rem minutius et scrupulosius scrutari prohibent, breviter paucula notare in praesentia satis sit. Foramen, glottis appellata, ex larynge descendens, nunquam non patet, cum partes naturaliter fitae quiescant. Huic autem cartilaginosa lamella, in linguae radice ligata, impendet, quae inter deglutationem instar operculi obstat, ne quid omnino in cavum incidat. Sunt praeterea muscoli, quibus modo magis, modo minus aperiri, vel etiam penitus occludi queat. Hinc fistula, per anterius collum descendens in thoracem inter duas pleuras, pervenit ad tertiam dorsi vertebrae, ubi dividitur in duas, aliter sese inclinantes. Hae iterum
in

in infinitas, alias aliis minutiores, disper-
tiuntur, donec evadunt pene capillares. Ad
extremum vero statim paululum dilatantur,
ac vesiculam singulae quandam seu cellu-
lam formant. Veruntamen cunctae haud
semper ab aspera arteria descendunt iisdem
ipsis gradibus; namque innumerae breves
capillares fistulae, undique ab universis
nempe inferioribus truncis pullulantes, ci-
tius ultimum in cellulas desinunt. Multum
nuper luminis huic rei D. Monro, Pro-
fessor noster celeberrimus, adhibuit. E-
nimvero penes illum aliquot sunt egregia
specimina, quae cellulas tanquam sinapis
grana ostendunt. Has quidem ipse, calcu-
lis pro sua singulari peritia positis, pollica-
ris vix centesimam partem habere latitu-
dinis computat. In modo autem mul-
tum differunt, liberum commercium inter
se habent, numeroque valde superant ul-
timos bronchiorum ramusculos; quapropter
plurimis nihil nisi per contiguas cellulas
cum aspera arteria est. Singuli istarum
cellularum fasciculi dependentes ab extre-
mis

mis asperae arteriae ramulis conficiunt lobulos supra memoratos, qui per suas contiguas cellulas commercium inter se habent.

Jam haec porro aspera arteria et modo et forma pro itinere suo variatur. A glottide enim ad alteram partem membranaceae et musculosae tunicae, ex quibus constat, rigescunt; simul autem amplitudo servatur patula multis ab annulis cartilagineis, qui, fere circumcingentes, remittunt pone, qua mollis facile cedit oesophago inter deglutitionem turgescenti. Deinde, simul atque in ramulos dividitur, istae continuo cartilagines fiunt minores orbium portiones, et totam temere ac fortuito circumcurfant. Postremo, modo nempe insuper diminuto, in membranas evanidae abeunt, talesque constituunt cellulas.

Nunc de vasis sanguinem vehentibus dicendum est. Ista quidem a dextro cordis ventriculo, quod vas ingens, arteriam pulmonalem ex sua distributione vocatam, emittit. Haec fere directo sursum ad aortae

C. curvaturam

curvaturam usque ascendit, ubi in duo ramos dividitur, quorum unus ad singulos pulmones fertur. Dexter, major sinistro, procedit sub aortae curvaturam. Inter pulmones ingressi disperguntur fere ut bronchia; namque singulis asperae arteriae ramis singuli pulmonalis respondent. Deinde, minutissimi super cellulas diffunduntur, abeuntque, emissis exhalantibus multis, in venas, more solito conjunctas. Hae denique duo magnos utrinque truncos conficiunt; a dextra quippe subter venam cavam transgressae conveniunt contra respondentes, ambaeque sinistra praestant finum venosum. Hae arteriae tenuiores habent tunicas, venaeque respondentes illas haud ita magnitudine, quam alibi, excedunt. Porro autem perpaucae sunt arteriae exiguae, quae ab aorta in pulmones feruntur. Ad sinistrum nempe recta proveniunt, ad dextrum vero a primis intercostalium ramis; quarum pauciores interdum deprehenduntur arteriae pulmonali insertae; verum plures abeunt in venas, tendentes scilicet ad venam azygon.

Pulmonum nervi veniunt a parte vaga octavi paris. Lymphaticorum pleraque in ductu thoracico, aut ubi sinistra subclavia et jugularis venae coeunt ; alia autem dextra ibidem : Ista in quibusdam pulmonum affectionibus tumida extiterunt.

Restat nunc tantummodo de externo instrumento, aëre scilicet : Hic quidem est fluidus, pellucidus, rarus, gravis, resiliendi vi praeditus, nostramque terram ad altitudinem bene magnam amplectitur ; resolvendo insuper efficacissimus, ideoque theatrum visorum pulcherrimorum. Hinc quoque animalia et plantae multum perpetui cibi assumunt, suisque noxiis liberantur.

P A R S

P A R S S E C U N D A.

De vi instrumentorum respirationis conjuncta.

PULMONES, ut supra dictum est, spongiosi sunt et obvii omnino aëri, qui et fluidus et gravis in eorum cavum suo pondere ruit, id est, vī quindecim in pollicem quadratum libris aequa. Obnoxii igitur sunt pressui, qui valeat idem ac quindecim librae, per pollices quadratos in superficie vasorum, aëra excipientium, multiplicatae. Enimvero et superficies et pressus variant, prout pulmones magis minusve extendantur; sed res ipsa indicat, illa, his vel maxime contractis, fore bene magna. Haec certe vis maxima pulmones, utpote molles cedentesque, satis superque posset nimis plus distendere, imo etiam dirumpere, ni partes thoracem constituentes aërque externus reniterentur. Quotiescunque igitur thorax,
modo

modo supra dicto (actione nempe musc-
 lorum intercostalium et diaphragmatis) au-
 getur, toties necesse est pulmones, futura
 nempe sua remota, recedentes magis dilata-
 ri, ideoque plus aëris excipere, ac vice ver-
 sa.

Respiratio quidem et gradu et modo,
 quibus fiat, subinde variatur. Ad medio-
 crem enim inspirationem pulmones modice
 dilatari sufficit, quod quidem per diaphrag-
 ma, paululum a musculis intercostalibus
 adjutum, fiat; ast ad validam multos alios
 intentos auxilio esse necesse est. Ossa sca-
 pularum et jugula attolluntur, firmeque su-
 stinentur, per musculos a spina ad ipsa per-
 tinentes; deinde isti intenduntur muscoli,
 qui a jugulis, ossibus scapularum, aut colli
 vertebriis, ad costas usque perveniant. Nunc
 vero horum viribus omnium, qui et multi
 sunt et validi, confociatis, costae universae,
 simul secum ferentes sternum, sursum at-
 trahuntur, ideoque magis ad rectos angu-
 los cum spina adducuntur; sternum pari-
 ter longius ab eadem protruditur; thorax
 sursum

furfum porrigitur; costisque superioribus fir-
mius jam constabilitis, musculi intercostales
plus valent inferiores ad illas trahere, ideoque
curvaturas respondentium propiores sibi
invicem reddere; diaphragma quoque con-
nixum interea trahitur violentius deorsum;
itaque demum thorax nimirum ipse admo-
dum quoquoversus adaugetur. Caeterum,
quanto magis thorax in valida quam in me-
diocri respiratione ampliatur, ex majore
aëris copia ducti fatis constat. ‘Non de-
‘sunt experimenta quae ostendant, plus
‘quam quindecim pollices cubicos, per
‘mediocrem, quadraginta vero et amplius,
‘per validam respirationem, recipi vel ex-
‘pelli*.’

Nec non et expirationi sua subsidia ad-
sunt. Nam, quamvis haec lente plerumque,
et leniter, atque etiam ipso animali inscio,
a partibus praestatur, quae vi resiliendi
pollent, hisque fortasse ab sternocostalibus
atque abdominis musculis perpauxillum
adjutis,

* D. Gregor. Conspect. Med. Theor. vol. i. p. 287.

adjutis, attamen in loco identidem et citatissime magnoque impete fieri queat. Lumborum enim quadratus, et longissimus dorsi, et sacrolumbaris possunt simul arcessiri ad laboris societatem cum abdominis musculis, qui iidem nunc costas deorsum trahere contendunt. Viscera deinde abdominis, eodem scilicet tempore compressa, hoc agunt, ut diaphragma in thoracis cavum retrudatur. Aër, Hallero auctore, tali momento a pulmonibus reflari potest, quo, si per tubum feratur, ‘glandes plumbeae drachmae et ultra pondere ad trecentos sexaginta tres pedes projiciantur; eaque vis, ait ille, tertiae parti pressionis atmosphaerae aequalis est.’ Caeterum multiplices respirationis varietates vel ex natura ipsa, utilitatum opportunitatumque omnium provida, vel sponte animalis sua, fieri possunt. Quamvis enim haec, sicut reliquae vitales functiones, necessario continuatur absque animalis libidine, muscoli tamen, quibus praestetur, aliquatenus voluntati obnoxii, plurima diversissima ex auctoritate

te

te nutuque hujus flexibilis magistrae munia implere coguntur. Quorum quidem frequentissima, et eadem cuidam bono inservientia, postea dicentur, ubi ventum sit ad respirationis usum. Hic ista solummodo proponuntur, quae animali invito fiunt, et ea sine ulla de causis disputatione, ne sermo in pathologiae locos excurrat.

Hujusmodi fortasse sunt singultus, suspirium, oscitatio, sternutamentum, tussis, risus, et lacrymatio.

Singultus est subita duntaxat convulsio diaphragmatis, et videtur saepius a consortio cum aliis partibus effici. Suspirium est copiosissima inspiratio, a pari expiratione excepta, eaque tali nixu edita, ut ab astantibus late audiatur. Postea vero quam thorax visus est quam maxime fuisse distensus, repente, causa scilicet magna, inspirationis instrumenta eundem etiamnum altius levant, unde duplex quasi suspirium fit.

Oscitatio autem caetera similis uno differt, quod immani fauces diducit hiatu. Haec porro semper fere ex consensu; illud ex peculiari

peculiari affectione animi oritur ; ambo denique saepe ex sanguinis lentiore cursu per vasa majora, aut quodam impedimento, quo hic minus per dextrum cordis latus transmittatur. Hoc semper fortasse suspirium aut comitatur aut facit. Sternutamentum est subita et copiosa inspiratio a nisu ad expirationem excepta ; quae quidem aliquamdiu glottide contracta inhibeatur ; hac autem denique cedente, aër vi maxima prorumpens verberat summas fauces, ruitque, ut plerique aiunt, potissimum per nares. Experimentis autem quisque in se credere debet, per nares potius, an os plurimum evadat. Quod ad me attinet, sternutamentum, naribus compressis, facile, ast, ore occluso, ne vix quidem fieri potest. Deinde, chartula madida narium foraminibus obtenta inter sternuendum manet immota, quae quidem mediocri expiratione ibidem facta illico dispellitur. Hinc igitur, omnibus nempe animadversis, cogitur, velum palati pendulum, sternutamento modo occipiente, attolli usque ad posteriores nares, linguam

D primam

primam interioribus gingivis apprimi, aëremque, in fauces protrusum, ore, nulla alia via data, erumpere, linguamque simul a gingivis abripere. Lingua autem gingivis exiliens impertitur aëri talem sonum, qui ex syllaba *cha* pronunciata audiri videatur. An nares hoc concussu affectae facilius excernant? Denique, sternutamentum fere acri quodam naribus admoto excitatur.

Tussis est vehemens convulsio musculorum expirationis, astricta glottide comitata, qua aër e pulmonibus expellitur, idque magno cum sonitu. Haec fere in accessionibus male habet; ideoque inspiratio alterna est difficilis, atque impeditior ob glottida contractam. Fit saepe ex viis, quas aër subit, pulmonibusve irritatis; saepe etiam ex consensu cum aliis partibus.

Risus est copiosa inspiratio, unde aliquot intermissae expirationes sonorae subeunt; fletusque caetera similis unico differt, quod expirationes sunt minus continuae. Facil-

lime

lime vero ex diversissimis causis comitibusque internoscuntur.

P A R S T E R T I A.

De Respirationis Usu.

CUM igitur respiratio sit talis motio, qua aër, omnia quodammodo permeans resolvensque, tam latae illabatur superficiei pulmonum, ex tot vasis sanguinem vehentibus, totque exhalantibus, quae in se desinunt, constantium, in promptu est cogere, usus necessario vel mechanicis vel chymicis principiis pendere.

Ab illis autem pendentes prius breviter notentur, iique inducendo spiritum, eundemque plene, inter expirationem, et respirationem alternam.

Inspiratio est ad olfaciendum omnino necessaria, quippe quae odorata in aëre fluitantia ad nares attrahat. Dicitur quoque conferre ad sorbitionem bibendumque. Quod quidem necesse est effici ab aëris in ore parte ad pulmones sese dilatantes ruente, unde reliquum erit rarius leviusque aëre externo, et quaecunque liquida seu cedentia os attigerint, in hujus cavum pressu extra praevalente trudentur. Verum enim vero, simul ut fluidum seu sorbitione, five bibendo, in os pervenerit, statim inspiratio cessat; aliud profecto agitur, ne humor recta protinus in ipsos pulmones delabatur. Calidius porro quiddam haurientes fere auram simul allicimus, quasi refrigerationis ergo.

Deinde, cum aër sit multo nostris corporibus levior, constat, haec plenam inter inspirationem fieri comparate admodum leviora; ideoque nos, hac quodammodo pro aëris vesicula utentes, posse facilius in aquis sustineri.

Inspiratio quoque, scapulis nimirum costisque constabilitis, fulturam trunci musculis firmiorem praestat, quo majore totius corporis nixu in id, quod semel invasimus, incumbamus.

Eadem porro videtur dolorem aliquatenus auferre; namque naturaliter, si quid cruciatus sensum sit, illico spiritum copiose acceptum quam diutissime retinemus.

Denique, spiritu hausto, glottide occlusa, musculis abdominis contentis, tum demum ingentem vim visceribus abdominis pelvisque admoveere valemus, quo comprehensa ibidem citius expellantur.

Inter expirationem, aër a glottide ita conformari potest, ut sonus efficiatur, quem quidem animalia cuncta ad sua quidque sensa expromenda variare queunt.

Tussis et sternutamentum, jam proposita, ut respirationis varietates, hic etiam notari merentur; quippe quae noxia interdum de spiritus itinere pellant.

Supra

30 DE RESPIRATIONE.

Supra quoque nonnulli memorantur affectus, quos ad indicandos alterna respiratio est maxime necessaria.

Praeterea autem alternus diaphragmatis ascensus et descensus haud ita parum comprehensa in abdomine afficiens, necessario multum ad alimentum propellendum, ad absorptionem, circuitum, secretionemque omnibus in visceribus expediendam, adjuvat.

Postremo, alternae hae vices ad sanguinis circuitum omnino opus sunt. Itaque nimirum ex hac actione, five inter expirationem, five plenissimam inspirationem, seu quodvis loci interjectum impedita idem fit. Circum praecordia quidem molestia sentitur, erubescit facies, arteriarum exigui imbecillique pulsus sunt. Perpauci profecto sunt, qui spiritum per momenta haud ita multa suppressere valeant; et, si quid tale tentatum sit, cito (serius licet perpaululo plenam post inspirationem) muscoli distenti aegre sua munia praestant. Cum vero aliquid externi diutius transitui spiri-

tus

tus obftet, continuo motu cordis atque arteriarum omnino cefſante, animal moritur.

Omnibus quidem intelligere in promptu eſt, quomodo pulmonum vaſa, collapſa nempe, ſicut inter expirationem, aut in foetu, qui nondum coeli ſpiritum duxerit, totum ſanguinem, e dextro ventriculo miſſum, excipere nequeant.

Enimvero, quod ad foetum attinet, conſtat, naturam ab omni id genus incommodo praecaviſſe; namque canalis eſt inter arteriam pulmonalem atque aortam, qui excipit quodcunque a pulmonibus ſit rejec- tum; cumque hoc modo minus per venas pulmonum redit, quam quod valeat diſtendere auriculam et ventriculum ſiniſtra, quidam aperti eſt inter duas auriculas una cum valvula tali, quae ſinat reliquum facile ſup- peditari ex dextro cordis latere. Poſt natum vero, ubi aëris vaſa ſpiritu ducto impleantur, vaſa ſanguinem vehentia, cum illis nempe connexa et diſperſa, tum quoque extenduntur, explicantur, ideoque ſatis ampla exiſtunt ad totum transmittendum;

dum; et nunc denique, nullo alio itinere necessario, foramen ovale comprimitur, canalisque arteriosus in ligamentum abit.

Verum haudquaquam ita constat, quare sanguis non circumbeat libere per pulmones continuo distentos; et physiologi suo pro jure plurima de hac re commentati sunt. Probabilia autem conjectura sequentes nihil certi et fixi adhuc protulerunt. Pitcarnius et nonnulli opinati sunt, aërem a majore corporis calore, in pulmonibus nempe, rarefactum, ibique circumcirca coërcitum, necessario sese laxare, urgendo vasa sanguinem vehementia. Hanc opinionem D. Hallerus fusius refellit *.

Unum praeterea argumentum, ut videtur certissimum, adjiciatur. Experimenta testantur animalibus, aërem multo calidiorem sanguine suo ducentibus, ubi certe pulmones suo calore illum extenuantes, et vasa inde compressa nihili sunt, respirationem esse omnino necessariam.

Halle-

* Element. Physiolog. vol. iii. p. 257.

Hallerus ipse docet *, aërem, quem animal semel pulmonibus hausit, reddi inquinatum, vi resiliendi exutum, ideoque talem, qui pulmones distentos sustinere nequeat. Ipsa profecto evidentia huic opinioni repugnare videtur; quia, dum thorax dilatatur, pulmonesque aëri sunt obvii, necesse est hos usque manere distentos, etiam si fluidum, quod inest, omni vi resiliendi careat. Proximum certe vero, materiem excernendam, in pulmonibus solito diutius retentam, posse, nervosum scilicet genus ascientem, molestiam ac nifum ad expellendum aëra faceffere; anne autem hoc modo circuitus ex spiritu diu contento intermissus expediatur?

D. Boerhaavius, hancce rem aliter exsequi aggrediens, existimat †, vim mechanicam, inter expirationem, sanguinem per pulmones exprimere, et cum reliqua sine hac nihil valeant, illum, pulmonibus jam

E inter-

* Element. Physiolog. vol. iii. p. 258.

† Instit. Med. No. 619.

interquiescentibus, necessario accumulari. Haec utique expositio omnium, quae adhuc factae sunt, videtur verisimillima, utpote quae commodissime visis respondeat, et ex propriis pulmonum fabricae rite animadversis probabilior insuper existat.

D. Halefii* experimento cognitum, sanguinem in tubulo, cujus diametros habebat sextam pollicis partem, incisae arteriae equi crurali inserto, quinque pollicibus inter respirationem difficilem altius quam inter facilem ascendisse.

Omnibus porro notum est, cum pulsus citatior fiat et fortior, plusque sanguinis, tempore posito, ad pulmones redeat, tum quoque spiritum crebriorem esse ac difficilem.

Fortasse huc etiam pertinet, quod dexter cordis ventriculus est sinistro longe tenuior, tunicaeque pulmonalis arteriae, quippe multo infirmiores quam eadem aortae, comprehensa minus propellere valent. Et
quan-

* Haemastat. p. 10.

quanquam, vasis scilicet utrorumque inter se comparatis, minus fit renixus in pulmonibus, quam aorta; attamen, si eum, qualiscunque sit, qui necessario pro venarum minorum modo accidit, aestimemus, forsitan constabit, sanguinem in illis majori, cordis nimirum ratione atque arteriarum habita, renixui esse obnoxium quam in hac, ideoque auxilio respirationis indigere.

Hallerus quidem, Hookii experimento, perdifficili sane intellectu, quippe incuriose admodum narrato, cujusque adeo singula nunc pensare momenta haud operae pretium, motus, opinionem praeceptoris sui leviter perstringit. Postea autem ipse profitetur: ‘Pulmones exercere vim in movendo sanguine. Inspirationem sanguinis in arteriam fluxum accelerare. Expirationem reditum per venas*.’ Atqui si res ita se habeat, respiratio certe ad sanguinis circuitum necessaria; alioqui natura, venia
fit

* Element. Physiolog. p. 355. 356.

fit verbo, sui effet diffimilis, in agendo nimia, et tanquam prodiga.

Denique, de modo, quo respiratio partes fluidas afficiat, Boerhaavius, hic certe unus instar omnium, suis verbis eloquatur. ‘ Motu vesicularum in pulmone, per inspirationem inflato, sensim paucioribus successively in punctis pressarum ; mutatione spatiorum cellulosorum eodem tempore successively magis auctorum ; motu vesicularum, et spatiorum illorum, in expiratione successively sensim minorum ; elatere aëris, in quiete retenti post inspirationem, vel expirationem, per calorem assidue aucto ; id fit, ut duobus momentis successivis nec arteriae, venaeve, nec sanguis, aliive in quibuscunque demum vasis pulmonicis humores, unquam sint aequaliter, vel similiter, pressi ; sed reciproce premi, pelli, conquassari, remitti, atteri, minui, resolvi, canalibus trajiciundis adaptari debeant, omnia, quae per pulmones fluunt *.’ Et iterum ;

terum: 'In venis pulmonicis iterum mi-
'scetur exactissime.'

Haecce quidem commoda, quamvis magna, quae ex ipsa respiratione partes fluidae consequuntur, eas duntaxat, seu genus universum, afficiunt. Praeterea autem patet, partes simul aëre ex principiis plane chymicis multum, idque optimo consilio mutari. Enimvero et aër et sanguis ex respiratione mutationes haud leves habent, quae quidem mutationes amborum, utpote quodammodo respondentes, eatenus lumina sibi invicem accendunt. Illas igitur hic perquam breviter notare, earundemque communes utilitates, nec non etiam indicare sententias probabiliores, indidem natas, haud alienum esse videatur.

Jam vero aëri a pulmonibus reddito constat inesse quiddam humoris, aëris et fixi, et phlogisto corrupti, nec non plus caloris sensibilis minusque latentis.

Talis quidem aëris humidum manifesto deprehenditur nebulis; quae excitantur respirantibus in aere ad quadragesimum circiter

citer gradum thermometri Fahrenheitiani calefacto, magisque etiam ex halitu in aliquid politius efflato. D. Halesius * ex halitu quinquagies in aridi ligni cineres efflato septendecim excepit grana; adeo summa, spiritu nempe millies et ducenties in horam ducto, granorum novies mille septingentorum nonaginta et duorum (id est, lib. 1. 39.) unum intra diem efficitur. Sed forsitan huic aliquid demi oportet, ob humorem ab aëre per os meante absorptum, pondusque salibus lixiviis ex aëre mephitico simul reddito accedens. Veri porro simile videtur, hic variari pro humore, qui per cutim iterque urinae excernatur, aut calore corporis.

Aërem vero mephiticum adesse facileprehenditur; si quis enim in aquam calcis exhalet, illa fit turbida, et calx ipsa citomitis defidit. D. Priestléii experimento cognitum, aërem a pulmonibus semel redditum, quamvis omnis mephiticus aquae calcariae

* Haemastat. pag. 324.

calcariae fit deditus, etiamnum manere impurum, minimeque aptum respirando flammamve alendo. Aër quidem ita vitiatuſ levior eſt communi, flammam concipere nequit, et quo impurior, eo minus a nitroſo diminui poteſt. Iſtas dotes ex phlogiſto commixto naſci idem auctor eſt, atque hinc phlogiſto corruptum nominavit. Alteruter hauſtus fere peſtifer; ideoque, am-
 bobus nimirum ex reſpiratione genitiſ, neceſſe eſt aërem, a plerique animantibus ductum, identidem renovari. Aliquot de-
 prehendere experimentiſ tentarunt, quam-
 diu haec illave aëriſ portio reſpirationi cu-
 juſdam inferviat: Hinc autem nihil certi cogitur. Nam, ut omittatur, quod animalia ſpiritu ſuo fortasſe aërem vitiant, aliter alio
 tempore, experimenta teſtantur, multa e-
 juſdem ſpeciei et magnitudiniſ, imo vero
 idem ipſum ab aëre aeque vitiato aliter ali-
 as affici. D. Haleſius expertuſ ſenſit *, du-
 oſ circiter aëriſ congioſ haud ſibi facile re-
 ſpiranti

* Haemaſtat. p. 319.

spiranti suffecisse amplius bis sexagenas horae partes uniusque dimidium. D. Priestleyus* experimentis probare conatus, quantum aëris mephitici ipse respirans tempore posito effecerit, nec non quantum phlogisto omnino vitari, id est, adeo ut ne ab aëre quidem nitroso diminui posset, colligit, unam pene unciam illius, duosque hujus sextarios bis sexagenis horae partibus effici; quae quidem duobus communis aëris congiis admista eundem animae inutilem flammamve alendo redderent; ideoque hominem sexagenis horae partibus unum prope aëris congium venenari.

Quam sapientiae consultissima via artifex mundi, Deus, constituit, herbas, frutices, arbores vigentes, aquas concitatas ac turbidas, singula atque universa aërem vitiosum et corruptum perpetuo emendare, atque ita aethera praestare plenum cibo animali, quo maxime alantur animantes.

Quod

* Priestley on Air, vol. v. sect. 10.

Quod autem calor auctior amplior-
que aëri, a pulmonibus reddito, inest, id
vero ex spiritu in quamvis corporis par-
tem, sub dio nudam, emissio sentitur. At-
qui fortasse paucis in locis ubi aër ductus
calidior erat sanguine, ille contra calor
respiratione fuerit refrigeratus. Attamen
calorem aëris ipsius a respiratione diminui,
potius conjectura probabili, quam certa no-
titia, fundatum nititur. Aër, ut D. Crawford
* compertum est, quo purior, eo caloris
capacior, aethereusque in hoc mephiticum
aut phlogisto corruptum longe praestat.
In pulmonibus autem aër, quodammodo in-
quinatus, fit necessario minus caloris capax,
ideoque tantundem hujus est amissum.

Sanguis certe ex pulmonibus transitis a-
liquid secum apportat novi, ruborem sci-
licet clariorem minusque dilutum, calorem
sui ipsius adauctum, chylum denique mi-
nus manifesto oculis, quam modo in dex-
tro cordis latere, cernendum. Horum pri-
mum ac tertium omnibus patent; secun-
F dum

* Treatise on Animal Heat.

dum D. Crawfordius compertum attulit *. Hic quidem experimentis deprehendit, sanguinem arteriarum plus quam venarum pollere in calefacienda aqua pro ratione $11\frac{1}{2}$ ad 10.

Mutatio coloris, quam sanguis ex pulmonibus transitus habet, olim effectus censebatur attritus; quod quidem D. Halefius † sibi visus est comprobasse; quippe sane sanguis, occluso in vase quassatus, rubrior evasit. Atqui propius videtur vero, istud ab aëre una cum sanguine concluso fuisse editum. Namque D. Priestleius comperit ‡, sanguinem venarum seu rubidum aeri phlogisto vacanti aut aetherio expositum, simul et fieri rubriorem et aërem corrumpere. Atque hoc ipse putat effici phlogisto emissio. Contra autem, arteriarum sanguis seu rubens, aëri phlogisto vitiatum expositus, et rubidus ipse evasit, et aëres aliquantulum purgavit. Hic porro dignum est memoratu,

* Treatise on Animal Heat.

† Haemast. p. 102.

‡ Treatise on Air, vol. 3. sect. 5.

ratu, ista et sanguini et aëri, tunicis etiam vesicae ferove duos pollices alto interposito, accessisse. Haec sane experimenta luminis nonnihil usibus respirationis accendunt. Nunc enim fortasse colligere licebit, sanguinem, pulmones transeuntem, suo phlogisto abundanti aërem impertiri, ex quo simul et ipse existit rubrior, et aër quodammodo impurus. Atque sic quoque in operis chymicis, ubi phlogiston versetur, inflammatione puta, aliisque, aëres itidem impuri nunquam non progignuntur.

Nec quidem piget animadvertere divinam solertiam, qua aquarum incolae iisdem commodis utantur. Piscium branchiae, sic ut terrestrium pulmones, inversae; vascula sanguinem vehentia minutissimas in fimbrias divisa, per quas aqua cum aëre penitus insidente, operculo mobili, laesura arcente, perpetuo agitantur*.

D. Crawfordius pergit porro, atque molitur

* Qui plura de hac re vult, adeat elegans omnino et elaboratum opus D. Monroi nuper editum; *The Physiology of Fishes*.

tur facultatem, animalibus spiritum recipientibus insitam, gignendi calorem declarare : ‘ And hence animal heat seems to depend upon a process, similar to a chemical elective attraction. The air is received into the lungs, containing a great quantity of absolute heat. The blood is returned from the extremities, highly impregnated with phlogiston. The attraction of the air to the phlogiston is greater than that of the blood. This principle will, therefore, leave the blood to combine with the air. By the addition of the phlogiston, the air is obliged to deposit a part of its absolute heat; and, as the capacity of the blood is, at the same moment, increased by the separation of the phlogiston, it will instantly unite with that portion of heat which had been detached from the air.

‘ We learn from Dr Priestley’s experiments, with respect to respiration, that arterial blood has a strong attraction to phlogiston : It will, consequently, during
‘ the

‘ the circulation, imbibe this principle from
 ‘ those parts which retain it with the least
 ‘ force, or from the putrescent parts of the
 ‘ system : And hence the venous blood,
 ‘ when it returns to the lungs, is found to
 ‘ be highly impregnated with phlogiston.
 ‘ By this impregnation, its capacity for
 ‘ containing heat is diminished. In propor-
 ‘ tion, therefore, as the blood, which had
 ‘ been dephlogisticated by the process of
 ‘ respiration, becomes again combined with
 ‘ phlogiston, in the course of the circula-
 ‘ tion, it will gradually give out that heat
 ‘ which it had received in the lungs, and
 ‘ diffuse it over the whole system *.’

Rationem denique reddens, quare calor
 animalis sit semper aequus, idem ait :

‘ As animals are continually absorbing
 ‘ heat from the air, if there were not a
 ‘ quantity of heat carried off, equal to that
 ‘ which is absorbed, there would be an ac-
 ‘ cumulation of it in the animal body.
 ‘ The evaporation from the surface, and
 ‘ the

* Crawford on Animal Heat, p. 73.

' the cooling power of the air, are the
 ' great causes which prevent this accumu-
 ' lation. And these are alternately in-
 ' creased and diminished, in such a manner
 ' as to produce an equal effect. When the
 ' cooling power of the air is diminished by
 ' the summer heats, the evaporation from
 ' the surface is increased; and when, on
 ' the contrary, the cooling power of the air
 ' is increased by the winter colds, the eva-
 ' poration from the surface is proportion-
 ' ably diminished *.'

In confesso quidem est, hancce argumen-
 tationem, quanquam minime necessaria
 mathematicorum ratione conclusam, esse
 ex omnibus, quae adhuc prolatae sunt, ve-
 rissimam.

Censuram agere non est hujus loci; spe-
 raremus potius fore, ut auctor ipse ingeni-
 osissimus sententiam suam ab evidentiori-
 bus instruere posset.

Modus, quo chylus in pulmonibus subi-
 gatur, nondum est plane expeditus. For-
 tasse

* Crawford on Animal Heat, p. 84.

tasse neque chymicae neque mechanicae causae per se huic operi pares; sed vitae facultates, seu vis illa inenarrabilis, vasis animalium primitus penitusque indita, qua comprehensa permutentur, in censum deferenda sit.

F I N I S.

THE UNIVERSITY OF CHICAGO

PHYSICS DEPARTMENT
5300 S. DICKINSON AVE.
CHICAGO, ILL. 60637
TEL. 773-835-3100
FAX 773-835-3101
WWW.PHYSICS.DUKE.EDU
DUKE UNIVERSITY
PHYSICS DEPARTMENT
206A W. H. RICHARDS BLDG.
DURHAM, N.C. 27708
TEL. 919-684-3400
FAX 919-684-3401
WWW.PHYSICS.DUKE.EDU

PHYSICS DEPARTMENT
5300 S. DICKINSON AVE.
CHICAGO, ILL. 60637
TEL. 773-835-3100
FAX 773-835-3101
WWW.PHYSICS.DUKE.EDU
DUKE UNIVERSITY
PHYSICS DEPARTMENT
206A W. H. RICHARDS BLDG.
DURHAM, N.C. 27708
TEL. 919-684-3400
FAX 919-684-3401
WWW.PHYSICS.DUKE.EDU